



泰泉集

已



嶺南黃佐才伯甫

五言律詩

珠江夜別親友



祖帳循珠浦離杯對玉輪分襟移鷁首鼓櫂
動龍鱗劍氣千年合風期萬里親祗應開閣
待今有漢平津

雨

膚寸雲初起彌天雨正狂魚龍空窟宅草木

各輝光爽氣連南紀愁陰接上方故山青未
了歸夢此宵長

對月二首

旅館維舟後江天入望時兔蟾當北斗烏鵲
遶南枝只恐金波溢寧教玉漏遲火雲消已
盡真覺近秋期

江月初成鏡山城獨倚樓徘徊如伴客浩蕩
更隨舟陌上清光滿尊前爛熳遊豈知離別
後對爾轉添愁

舟度彭蠡遇風作

奔策遵玄渚揚颿向紫都遙林吹地籟巨浪
舞天吳匯澤開長道風颿動壯圖扶搖自有
適何必羨游鳧

京邸春日思家

金市乘羊路銅街試馬群夜吟低霽月春夢
斷浮雲上巳蘭英會新年栢葉醺斑衣今未
拂休寄錦迴文

南征詞六首

鳳野傳清蹕龍旌逼絳霄風雷隨鼓角日月
耀金貂躍馬宜春苑呼鷹織錦橋何如穆天
子空賦白雲謠

月照牛山迥風飄鳳吹長從臣黃製袷歌妓
錦為粧玉輦栖蘿幌金鞭問竹房夜闌調虎
撥知是奏霓裳

翠網張瑤浦黃旗漾碧流殷勤供廟薦蕭洒
事宸遊御氣通鮫室祥烟化蜃樓魚龍應自
喜何敢負王舟

簇仗迎春至行宮向曉開日邊千騎合天上
六龍來玉笛吹楊柳瑠鞍唱落梅共看毬拂
咲岐路滿塵埃

柳暎金陵暮花搖玉帳春江淮明砲火閭闔
動梁塵秘戲徵西域迷樓構北辰三千歌舞
妓誰似掌中人

桂海停舟楫蓬山獻畫圖雲屯七萃甲風迤
九關符進酒龍衣濕藏闔豸繡呼鷄人那復
報乘月射平蕪

元日

四載逢元日悠悠燕翼間
河山雙鬢短風雨一燈閑
鳳沼隨恩澤龍墀整珮環
辭家長素食真愧紫宸班

獨坐

獨坐禪扉迥懷歸思宵然
花光明薄莫鷺語入新年
綵仗隨春動華燈與月懸
絕憐風景美不是粵山川

暮春郊外

五日逢休沐千山得勝遊
樓臺蕭寺迥花竹習池幽
春事已黃蝶舊盟惟白鷗
烟塵奔走地回首意悠悠

月下贈張子文邦

獨榻依蕭寺清尊散暮愁
踈鐘聞上苑片月在飛樓
天地雙龍劍江湖一釣舟
壯懷吾共汝搖落歲云秋

再次韻贈張子

長安木葉下蕭蕭生客愁
夜寒空對酒雲澹

獨登樓柳岸橫長笛花灘放小舟向來江海
意淒斷爲清秋

速張侍御補之同訪文邦詩以代簡

秋風起閭闔渺渺獨愁予水落蕪葭冷天長
鴻鴈踈蘭臺思楚客楓葉詠吳趨驄馬招携
地琴尊信所如

廖子鳴吾秋日見懷次韻二首

吾愛白鹿子詩傳鸚鵡洲隋珠偏照夜宋玉
最傷秋水綠芙蓉渚霜黃翡翠樓相看成去

住徒爾賤離憂

知爾龍山飲馮高鳳野開日從燕樹轉雲首
漢宮來日盡天南鴈心飛江上臺杜陵空抱
病庾信獨生哀

彌羅閣秋望二首與馬子仲房

珠閣拂瑤天馮軒興渺然西風吹野水高柳
送鳴蟬冠蓋蕃塵裡關河白鴈邊相逢且披
豁隨意問玄玄

羽觀臨霄漢颺臺出薜蘿霞觴延客久琪樹

春泉集卷六
五
受涼多日色隱平楚秋聲連大河君看愜幽
意吾醉即狂歌

秋日遊迎祥寺至玉泉與張楊趙陸四
子同分韻得松知二字

珠林開鷲峰下馬聞疎鐘紺殿已狐兔翠琰
空蛟龍對酒感慨發褰衣霜露濃蒼蒼暮色
動秋聲滿寒松

迢遞尋蓮宇淹留詠桂枝玉駘穿柳入錦席
傍泉移山翠浮龍苑雲光溢鴈池塵心今已

淨應有白鷗知

中秋不見月文徵仲席上賦

明月隱天端踈燈耿夜闌浮雲飛不盡萬里
若爲看暈落鵬霄迥兪生鳳闕寒誰能天柱
上吾意欲駢鸞

冬夜讌陳子學宅賞菊分韻得微字

黃菊冬猶艷清歌夜未歸興從添燭劇寒到
引盃微宮漏挾風度塞禽衝月飛物華容易
盡心賞莫教違

新春

堯曆開元歲殷邦數中興苑花紅未入宮
艸翠先凝功業時看劔栖遲夜向燈匡扶在
諸老貧病任相仍

中秋夜對月

作客驚秋半行歌對月明玉輪看桂滿銀浦
見槎橫踈柳門墻靜高梧風露清此時裁謝
賦千里一含情

素翁先生元日書懷次韻二首

許身齊稷契揮手謝巢由鵲起千人悅龍飛
萬國休王春隨聽履卿月照稽謀一任雲莊
上鶯花鎖鷺洲

歸興憑誰語裁詩每自憐草青壺嶠外鷗白
影池前淑氣通嘉石祥飈洒列錢即看吾道
在行止信皇天

迎祥寺後遊次韻四首

五載吾重到雙林路欲迷梯飈尋絕境拂翠
見靈溪石洞雲堪卧花宮鳥自啼逢回意無

限歸騎及烏栖

輦轂環龍象耽遊未擬回金貂何處所珠鳥
至今來芳樹含青竇豐碑淨綠苔瓊簾自舒
卷誰見化人開

沙柳明秋色烟蘿出梵香川原雙步屐感慨
一持觴慧日無人相慈雲不住方世緣如可
度留宿遠公房

白馬開三乘祥鷄運九衢乾坤經浩劫陵谷
盡浮圖柳徑涵川淨楓林帶蘚枯倦游仍立

馬寒日動平蕪

舟中夜讌贈別胡蘇州

蕩檝語深夜知君懷草堂微雲開震澤錦瑟
奏伊涼颭颭滿紅樹翩翩飛紫凰曲終酒亦
醉明日各殊方

虎丘懷古

寂寞吳王國笙歌入海雲夫椒先自敗於越
遂能軍月落苧蘿冷花深麋鹿羣千年金虎
去誰守闔閭墳

贈別黃武進同年

武進仙鳧駐三年報政成閭閻無復嘆山水
有餘清渺渺舟楫去蒼蒼霜月明停雲時隱
几河漢欲三更

贈別韋評事歸靖江

抗疏甘南謫知君不負永離情江上樹聚首
驛前燈幽谷歌鳴鳥天池息大鵬扁舟汎明
月回首夢毘陵

得子彌月二首

犀果欣延客風塵慰素居老親期有後遊子
敢無書賤命由天地他年定智愚誰能識英
物啼看問何如

定省心千里栖遲夢一丘冰霜仍作客江海
更停舟去去憐渠小呱呱解舊愁軒車那可
問爲爾重淹留

立春

野館依寒渚愁吟且未迴春從今日到花在
故園開白雪裁仙調青雲捧御臺陽和不自

客偏入掌中杯

雨木冰正月二日作

野樹紛紛白連朝雨木冰人情憐上朝天意
望中興絮雪風難起梨雲日易蒸春王調玉
燭何事有嚴凝

潞河元夜

水國明鰲火烟花接鳳城絕憐今夜酒空復
異鄉情寶馬嘶塵度銀蟾倚樹明客愁無處
着况乃管絃聲

凍開初發

萬里圖南翼逢春始計程彤雲辭魏闕綠樹
出秦京鼓柁江天豁流澌野岸平因風傳尺
素應慰倚門情

河西午憇

水驛遠郊圻居然塵事稀酒帘明柳市漁網
集苔磯隱几白日靜開簾黃鳥飛行邊有林
壑未覺素心違

天津雨中即事

幕府開三衛糧漕集萬艘人皆甘海錯吾且
醉村醪潮落洲隨出烟深岸却高衝泥走風
雨端坐看兒曹

修復粵洲草堂經始桃源塢四首

草堂修舊業鑿翠向高城頽首嗟人境冥心
謝世情山從踈樹衆江入大荒平隱几雲霞
裏脩然得此生

桃源初小築茆屋可寒翁井市錐刀外生涯
一畝中喬林聞獨鳥幽谷送長風朋好今如

此清尊誰與同

日明花外路雨長竹間泉隔谷難逃倍依山
自覺仙功名歸墜甌宇宙入浮煙已悟逍遙
化從今結靜緣

排闥分青嶂荒庭盡綠柯歛神知日永高步
覺天多返照滿城郭孤烟生薜蘿到家三舍
近塵土竟如何

送周秋齋方伯歸閩二首

珠江愁送客薇省喜留君車馬三城動謳謌

百粵聞滄洲難吏隱紫極易風雲去去吾何
道甘隨麋鹿群

南海瞻冠冕東風吹旆旌封棠無翦伐騎竹
有逢迎春舫隨花發秋容入鏡平家有秋容
亭秋鏡池
因思木蘭水端可濯吾纓

六月二十日夢中作七夕詩覺而憶其

全篇錄以紀異

涼色晚幽幽踈梧知早秋古來傳帝子今夕
會牽牛大澤生明月蒼崖帶遠流憑高語天

上何事有離愁

酌泰泉贈區廣文

一勺泰泉水中涵千仞青遠分舒鶴渚寒帶
聚龍垆花竹添蕭爽風雲助杳冥看君蘇齒
頰為爾續茶經

宿靈川寄懷范大叅

性拙嗟無侶交深賴有君襟期珠海月去住
桂山雲黃屋匡扶切蒼生軫念勤靈川烟雨
裏憂樂夢希文

興安道中

放浪滄洲客，遲迴桂水春。
密雲虛礙馬，芳草遠隨人。
野闊啼鶯樹，山多佩犢民。
戍歌愁聽汝，荒服幾時新。

卧病二首

卧病梧山曉，懷歸菊徑秋。
淒風催葉下，積雨入江流。
遂有鱸魚興，聊爲鴻雁謀。
飄飄寄生事，天地一扁舟。

長笛送愁思，孤琴隨病身。
鴉翻中夜月，鵲報故鄉人。
千里庭闈夢，十年岐路塵。
悠然念黃綺，誤逐漢廷臣。

寄懷徐養齋方伯

多病朋簪盍，他鄉意緒孤。
梧江通百粵，桂嶺隔三吳。
歸鳥擇雲木，游魚依渚蒲。
何時同孺子，高枕著潛夫。

江村書舍爲滇人魏德如賦

勲業看朝鏡，詩書伴夜檠。
下帷芳草色，閉戶遠潮聲。
飛躍形吾道，漁樵樂此生。
鯤鵬終變

化滇國本南溟

控海樓有懷徐可大

南州徐孺子落筆滿人間江上咲爲別天邊
去不還高樓題控海此日獨看山尚憶危言
日投簪且閉關

厓山紀遊次鄭李二子韻二首

歲晚空山靜遙聞援鶴音膠舟前日事傾蓋
此時心漁戩乘潮急樵歌隱霧深停盃發高
詠興劇不成斟

夕陽惟鳥雀古道半榛荆蠹飽祠中木苔侵
石上銘英靈終寂寞風物自淒清仰羨東山
老勞歌空復情

泰泉山中贈倫王二子

金澗遶青林瑤空出翠岑烟霞供永嘯松竹
入長吟春度鶯猶在杯香客每深隨時共幽
賞五杲未倦登臨

草堂避暑四首

林壑藹蒼蒼層厓曲抱塘閉門蛙鼓競歌枕

鷓鴣鈴長霞珥混斜照炎威連大荒冥心對鷺
鷺將爾共滄浪

隱几消永日薰風搖紫薇鈎簾一以眺綠水
近岩扉嗒爾烟充夕居然塵事稀翩翩松上
鶴遙帶白雲歸

蹙嘯延清籟長誼集緒風嶺雲偏向北鬱水
亦流東地切三邊戍天開萬壽宮飛僊挾明
月應得到崆峒時聞車駕上陵

徙倚碧氛氲行歌許鶴聞翦茅通月色攢石
聚霞文裊裊竹到水噶噶鐘度雲悠然頽塵
世天外自為群

人日雨霽出門志喜

王春聽舊雨人日見新晴萬戶笙歌沸千山
紫翠明和風勻柳色淑氣入鶯聲所喜青陽
動休嗟白髮生

穀日陳茶山少叅席上賦

穀日過從喜薇垣禮數稀杯深花共勸聖久
月同歸南海樓船靜東吳粳稻肥使君能化

俗未許問漁磯

喜雨次陳茶山韻二首

獻歲初逢雨隨車且澤民小樓聽到曉幽谷
見回春燕雀依巢靜魚龍出浪頻滄洲理烟
艇箬笠定隨人

吾愛茶山子吳謳播粵民簷聲纔入夜野色
盡成春水漸浮舟闊花堪對酒頻向來雲禱
切天果不遺人

粵臺懷古四首分韻得幽字

勝地經秦漢高臺近斗牛片雲浮鬱水孤月
滿靈州事往市朝變秋來林壑幽霸圖何足
問吾得采真遊

歌舞何人在檐帷此日留長江涵楚越遠樹
入燕幽傾國嗟嫪女提兵憶路戾絕憐張樂
地斜日下羊牛

對酒烟霞晚裁詩天地秋坐聞松籟迥行愛
桂岩幽大澤龍蛇遠荒臺鹿豕遊向來南海
尉辛苦事羸劉

南武河山在北窓花竹幽羲皇吾所傲秦越
爾何尤紫氣通三極滄波帶十洲悠然閱塵
世高枕白雲秋

白蓮次韻陳天游二首

丘壑舊同賞瓊踞新報詞岳雲增野色郢雪
助芳姿枝蔓勿復道緇塵非所期悠然夢商
皓千載慰相思

懿爾泥不滓况茲清且漣洛神終有恨越女
不成妍氣奪星榆曉光含露藻鮮鈎簾渾未

起宿鷺亦相憐

草堂夜坐四首

浪迹少城隈衡茅向水開閉門青嶂合卷幔
白鷗來地僻清虛洞天高玄覽臺坐聞松籟
起竟夕思悠哉

越臺舒嘯罷燕樹去人遙寓目成今古冥心
謝市朝枝間鳥鳥樂隴上白雲飄蕭洒不知
晚空江自落潮

性癖群魚鳥家貧足蕨薇偶尋瑤草去時共

暮樵歸野色入河漢鐘聲連翠微雲鵬有奇
翼不爲稻梁飛

雲卧開丹牖瑤天四望通虞絃徒解阜楚客
謾雌雄萬壑收虛籟千林息斷蓬何當秋色
裏一葉詠梧桐

哭崔南甫二首

執業越三載蓋棺悲仲春豈知吾未老空慟
爾爲人亭伯夙工賤原思甘食貧慰親能不
死天與玉麒麟

芹泮始于邁舞雩頻詠歸倚筠瞻壽閣紉總
掃慈幃水自三山逝雲依雙鶴飛夜臺終宿
草知爾戀春暉

緋桃

手種緋桃樹今成滿院春垂垂堪繫馬脉脉
似懷人綠水浮天鏡紅霞隔世塵向平畢婚
嫁好在武陵津

元夕次梁子韻二首

粵山依靜渚陸海沸青宵火樹流丹甍芳郊

拾翠遙驂驪風外響窈窕月中橋向晚游塵
寂猶聞薌澤飄

五夜軒車密千門景色賒金波依樹渺銀浦
逐城斜炬合疑朝旭杯分似晚霞豔陽桃
李在休唱落梅花

春日玄覽臺獨坐偶成四首

爲愛春臺好逍遙到日曛栖神隨豹霧矯翰
謝龍雲水自靈洲入山從粵井分無論拳與
勺天地本同群

風磴紆盤鬱雲蘿出沈寥日垂天北極春動
粵南潮松籟傳虛壑鷺歌赴遠簫悠然澹忘
味何必更聞韶

下上茅皆屋東西竹亦垣城標雙塔短岡擁
一旗尊林密鳥巢隱風低蛙吹繁稀踈見蛙
畛真學邵平園

稍稍東風起臺前洲渚明竹光搖野色花氣
潤蛩聲北斗依身近南溟入掌平栖栖何所
適孤嘯一含情

次韻梁應房園居四首

青林依壩隈翠牖向東開大澤龍猶卧長安
日自來濯纓疏鬱水挂笏對朝臺嘯傲浮雲
外雄圖安在哉

攬轡漳南靜彈冠薊北遙驂騑歸別墅宛鷺
夢清朝野水疑天咫秋花憶雪飄衡門繫舟
楫知爾待風潮

水上誰家月山中幾度薇坐憐秋色半吟待
莫禽歸風定松聲合雲深竹迳微相過吾所

願疲病興如飛

卜築青門勝雲山紫邏通蕭條同杜甫寂寞
異楊雄日月雙飛鳥乾坤一斷蓬玉衡如可
協將子共絲桐

夢中作

丙申十月

南斗鍾人傑中朝起帝臣日明鸞鳳署風靜
犬羊塵道以無爲大功存不宰神掖垣花萬
樹無語自成春

送梁僉憲應房之貴州次韻二首

脉脉懷燕北行行度楚西地連丹水闊天入
翠屏低奮迅看鵬翼驟驩送馬蹄未須談貴
竹吾意在丞黎

秋星坐馬首北斗映南箕鳥靜粵山晚天寒
湘水微窺園因伐木抱甕本忘機悵別蓬門
下西風吹汝衣

悼幼兒在貞二首

有引

在貞以丙申八月十二日生妾林出
也術者謂其格甚奇始予感異夢有

人贈以黃裙朱書狀元入三字其上
付林服之既而在貞生容貌端正性
甚靈慧呼嫡母為母而姊其生母甫
及七月能聽二兄讀書識一二字每
立必依二兄膝不敢仰視人甚憐之
或取綵花及羽植諸案卓四端如樹
焉人莫能為也四齡暴病血痢僅七
日以今正月九日死死時猶挽其生
母裾襟若訣 別然嫡母亦慟哭之

豈向夢世謂狀元紅正血痢之兆耶
抑予數竒不能育也埋之笏園天方
寒雨曉起見綵羽雜土灰中哀不能
已為賦二詩

四齡虛度世七月早知書常日依兄膝危時
挽母裾笏園埋白玉蘭砌隕明珠拭淚看天
地傷心汗血駒

汝慧言難盡吾衰情易哀黃裳空兆夢綵羽
竟成灰曙色連鴉起春寒逐雨來不堪心寸

折淚盡更徘徊

子陵釣臺次馬憲副韻

文叔資為理狂奴豈不勝高風魯國釣斜日
漢家陵鼎足歸侯霸糟糠愧宋弘羊裘見幾
去龍德至今稱

濟寧館與孟太僕同年共酌

清濟風濤靜堅冰日夕深燕臺千里夢魯道
百年心竹葉浮螺尊梅花落鳳琴玄冬堪縱
酒白首得知音

五言排律

贈江鍾石中丞

薇省聲華久，楓廷寵渥新。
鵬搏持憲節，虎變起儒臣。
日月纏雄劍，風雲擁要津。
直將炎海澤，散作塞垣春。
雪嶺遙連晉，葱河近逼秦。
天驕雖匪茹，廟略正如神。
昔者分符竹，恭惟督泮芹。
去思曾款款，來學各駉駉。
匡濟才驚代，旬宣政絕倫。
壯猷端許國，直道每裨身。
喜送潘輿近，威行衛幕勻。
攀援當此日，歌頌更何人。
八座鴻應漸，三旌鶚轉伸。
蹇予隨赤管，正爾奉清塵。

輓丘侍御母

汾水揚慈教，閩山見女宗。
憂勤朝弋鴈，諄切夜丸熊。
密密衣間線，行行道上驄。
雛飛猶有集，川逝更無窮。
筓泣交加翠，萱嗟委墜紅。
臺烏向明月，時為喚悲風。

送九江杜通判

杜曲傳千載，韋經守一牕。
徽聲馳北戒，新命

左南邦視篆垂朱紱飛書出皂幢群峰浮鹿
洞九派接龍江日下華軒發風前疊鼓降臨
岐何所道珍重錦韜杠

送張允清守濟寧

宛洛邇吾道風塵咲此生昔曾同客味今乃
送君行冉冉柳枝碧蕭蕭班馬鳴揮觥臨祖
席飛幘問王程燕樹當齊盡河流到濟清一
麾知不忝霄漢聽蜚聲

秋日趙信臣席上詠夏菊分得纖字十

八韻

開席來金馬濡毫注玉蟾蕭晨紆勝引逸興
角精嚴浙浙風生座依依日轉簷曲中芳樹
淨天外綺雲織老榦偏宜石奇姿不避炎裳
蕤黃競艷盪葉翠交尖鰲闕高霞映鵝池細
雨露香通縹玉液清奪水晶盃紉佩哀湘屈
餐英效晉潛只今營斗粟徒自擁帷襜世事
燈前劍心期架上籤牖開懷斧屐隅泣軫閭
閻荆璞難爲韞吳刀未試銛鯨魚終碧海鸚

鷓亦紅甜抱拙斲天遇耽幽任俗嫵空群憐
逐驥知已願成鷄霜吹俄欺袂珠光漸近簾
相逢須適意吾敢賤厭厭

壽簡封君

縣圃乾坤大康衢日月長仙方元不老帝力
正相忘皤髮明鳩杖童顏醉鶴觴安車花柳
涇擊壤水雲鄉菊對金章艷蘭交玉珥行鳳
毛鳴盛世豸角立岩廊歡動狐南彩情深冀
北望白雲如會意終日自悠揚

宿劉諫議蕡祠

諫議祠堂在栖栖托泮林雨垣春蘚合風柳
莫蟬吟溢浦天何遠沙河水自深獸爐浮勁
氣虬箭逝徽音社稷誰能奠經綸爾獨任毀
方難入穀晞古合投簪桑海時應變桃源路
可尋炎荒終棄置幕府始浮沉官府分南北
興亡共古今吐言扶白日回首破曾陰牢落
千年夢淒清此夜心停鑣休遠躅呼酒滌煩
襟宿鳥喧雲堞飛鴻掠月岑廣陵有餘恨非

直雍門琴

嘉靖丙戌郊祀慶成侍宴有述八十韻
五載精禋日三靈錫美時東皇初出震北斗
正臨箕昴嫗函元氣細縕運太儀奉常稽令
甲宗伯闡宏規扈閣人文煥容臺禮數知馨
香非黍稷繭栗寔牲犧象性陶匏具依神藁
軼爲澤宮嘗選士禰廟夙謀龜齋沐神如在
端凝敬自持太羹調太鼎明水辨明齋衣析
回焱桂盤殮折露葵闐闐開祕殿莫莫護飛

榱魄寶崇穹昊歸藏協地祇百神將受職二
后並開基作對紛紜黼升中共泰壇天門何
蕩蕩帝績更熙熙承宇方寥廓中壇自崩崧
青葱森玉樹瓊略秀金支有瞽皆師曠無工
不巧僂宿縣龍龔作馭路虎賁馳萬乘鳴鑾
出千官委珮隨星辰歸劔履日月下旌旗鷺
鼓雍容伐鸞簫縹緲吹孔旂翻格澤壁壘走
魑夔隊擬鉤陳列聲逾鬱律攢蒼蚪銜玉軼
彩鳳翳華芝畫戟叢猶植周廬布似碁九關

嚴虎豹七萃奮熊羆漸覺天威邇相看日色
遲班行分鵠立匡衛結魚麗駐輦聞王夏趨
庭奏采茨駿奔咸有恪磨至摠無遺靜揆冥
冥景深存眴眴思玄圭端極拱朱火粲星離
鳧氏鳴春律雞人唱曉曦象馴環日轂驥集
簇雲螭琮璧交輝映樵蒸待配藜僊宮澄碧
落天樂動黃麾軒冕繁璿藻垂衣蠹玉基登
歌無白雪疏越有朱絲衍衍承雲舞皇皇就
日姿空乘依大卷孤竹倡咸池肸嚮知何許
居歆諒在茲燔柴明遠漢埋瘞及窰坻遺炰
銷田燭浮埃靜路岐天迴魚鑰啓雷動鳥旗
移鰲扞連三極鴻恩徧四夷饗神無夏妙類
祀法虞媯白帝卑秦時黃郊陋漢祠上玄昭
降假下土受蕃釐慶洽需雲宴權同湛露詩
堯厨傳楚脯鎬飲薦嘉脾百味銀罍疊千牢
綺俎披紫霞漿勝玉玄圃菜如飴駕鳳花扶
扈駮龍柳拂羈羽林盈陞盾繡服耀軒墀日
麗芙蓉闕風清翡翠帷闢門來輔弼通籍引

丞疑雉扇黃金幄麟軒白玉逵五侯先在列
百辟各攸司御氣通瑤席宮花散彩枝鷓行
霑聖渥虎拜感皇私楓陛宣酬勸蘭觴示惠
慈鏗金尊帝德銷玉合坤維晨露翻柔瑟鈞
天起翔鞞華冠重岌業錦臂爛歲莖虹辨天
魔髮蛾揚玉女眉都盧方嬰鑠曼衍復躩踞
海宇歌仁洽鞮鞻舞德綏八珍仍絡繹九簠
詎參差諦聽金陵曲元非璧月詞皇天曾燕
及謨烈有鴻垂莫以龍顏喜渾忘虎尾危本

朝真舜禹吾道在臯伊禮竣榮簪紱心銘建
鼎爨聯鑣歸月夕奮翼赴風期周雅祈天保
虞謨倣日孜鸞情馳禁籞鳳想入罌罍喜色
融山野榮光澹海涯摛毫頌玄化萬物已華滋
嘉靖丙戌元宵燕集分得銀字賦二十韻
帝城三五夕明月麗芳春玉宇澄暉早金樞
泛灩新香車騰桂苑緹騎出楓宸陸海魚龍
混天關虎豹馴烟花連鳳野簫鼓動鴻鈞樂
事還同衆清光故可人弄芳珠作珮步玉錦

為茵寶炬交蟾影瓊奩並兔輪風迴歌舞地
香拂綺羅塵鰲綵浮燕樹星球射漢津情隨
虬箭曉興與鶴觴親對此開文會因之仰德
隣影纓三益至揮翰四筵陳淑氣回彤瑄清
歌盡白蘋音微嗟爾闊契合道吾真鳧藻人
爭羨驪珠世共珍花邊青玉案柳外紫綸巾
雲戶低圓壁虹橋掩寸銀赤霄繁律鬪滄海
足潛鱗共沐恩波洽追歡莫厭頻

游金山次劉太守士奇韻

寶地紆玄覽雌途擁梵僧風烟千里合江海
一桴乘樹色依山見雲光帶雨升象溟迷浴
景龍鉢變炎蒸望闕頻回首憂時更拂膺淒
涼非楚客蕭瑟問吳綾

次日遊焦山復和同遊劉太守韻

玉嶼凌空迥金山入望斜乾坤分砥柱日月
送浮槎鶴塚空烟水龍宮自雨花丹楓明遠
浦白鳥失晴沙浩劫皆成幻征途未有涯所
欣陪五馬來此聽三車

送翁少參歸蜀

北上曾傾蓋南歸但倚樓
旬宣臨粵土俊傑起瀘州
菽水情偏共蘭金分亦投
甘爲清淨退真脫網羅求
奉檄緣家食懸車謝國謀
人歌棠所芟天照柏爲舟
白峒開三徑黃花傲九秋
潘輿馳燕喜郛酒侑鸞謳
寶岫雲隨望支江月映流
羨君從此去扶病賦離憂

中秋遊揚歷岩二十韻奉謝鄭南雄

旅客逢秋半重岩望日邊
風江連楚粵雲樹

極幽燕笳鼓循垓發旌旂陟巘聯
境推揚歷勝人喜鄭莊賢鷲嶺開
金地龍潭際碧天崖含蘿幌狹磴
轉竹房偏裊綴云何卉高壘不記
年竒音聞素瀑秀色映平田萬象
皆超忽千峰自蜿蜒嶺梅遙度馬
堤柳競鳴蟬虛籟笙簧合中軒錦
繡懸清歌螺梵外妙舞鳥巢前轍
逐朱旛駐杯從綵袖傳傍泉移綺
幕拂石列瓊筵曩曩旋靈耀陶陶
象帝先冥心忘泡影握手問真源
北去浮鳴鴈南流跼斷鳶

壽泉集卷一
三十一
澗花寒未落雲碓晚相喧步壑璇霄迥歸途
壁月圓何由窮絕頂直欲挾飛仙

庚子孟冬恭遇千秋令節賜宴賦二十

韻

燕翼年方赫虹流月始陽發祥開鶴籙稱壽
舉麟觴睿德搖山重蒙泉少海長聖箴承敬
一神器副元良矯迹崇賢裏含毫翊善傍漢
莊言益敏夏啓道彌光玄轡驂龍象丹幢引
鳳凰鵠輿猶玉裕雞戟更金相碩輔來蘭殿

英寮集桂坊壽街齊拊舞華闕儼趨蹌金砌
烟花遶瓊筵錦繡張殷梅調鼎羨堯堯助羨
香翠釜傳中使黃封出上方座依紅日永杯
逐綵雲翔自愧冥鴻羽仍隨振鷺行存雷期
有則明兩祝無疆旣醉綠霞紫無言感昊蒼
逶迤歸玉署彷彿度銀潢萬國懽聲動千官
喜氣揚霑恩何所似豐章露瀼瀼

庚子二月入京述懷四首

釋耒回鷓沼驅車入鳳城日明新閭苑春滿

舊蓬瀛珠樹森玄極瑤壇槩紫清踟蹰思無
限惟願泰階平

赤帝驅胡地蒼姬奠鼎年仁涵繁露外禮縵
慶雲邊灞棘懸孤壘臯蘭控萬弦詞臣頻獻
頌誰敢勒燕然

白首承明直回翔十五春花前僊掌露柳外
屬車塵鶴籞開青幌螭坳侍紫宸候朝清不
寐瞻望月重輪

職云無闕徒聞上諫章地分青瑣闥天隔
白雲鄉鳳藻傳東閣龍暉接少陽所希吾道
忝千古說黃唐

移居春坊詠庭檜

叢檜靄深秋蒼霞爛不收霜髯臨玉澗秀色
帶崑丘拂檻光風入縈窓壁月留恍然江海
上飛躍有靈虬

泰泉集

庚

七言律詩

感秋三首時洪都兵變予方種菊東籬

有終焉之志因賦此詩正德己卯

秋風蕭瑟起千山籬外黃花自作閒冠蓋何
年通宛洛鼓鼙連日動鄉關風塵不入空間
岫世事能彫鏡裏顏聞道日邊佳氣在都人
長望屬車還

一舸當年發豫章豚魚吹浪棹相將黃蘆叟

岸天連海白鴈臨關夜有霜氛侵祗今干斗
極江湖依舊遠巖廊悲吟不盡傷秋意紅葉
蕭蕭暮吹長

漠漠秋陰雲滿城夢回驚問此何聲紫臺霜
急鴈初到滄海月寒潮自生宋王蕭條曾作
賦杜陵搖落最關情東籬生意依然在無數
黃花照眼明

雨後珠江登望

珠江烟水碧濛濛錦石琪花不易逢三島樓
臺開日月二儀風雨動魚龍浮雲在華園秋
扇野樹依微亂晚峰越女未知搖落早輕舟
何處采芙蓉

九成臺次章提學韻時聞王師發金陵

睥睨鴉啼向古臺臺前斑竹自花開水通湘
浦縈如帶山近蒼梧翠作堆嘉樂也知非野
合倦勤何事復南來鸞輿虎旅傳消息心折
江城畫角哀

秋夜夢後作有引

客义思歸夢一金甲神人餞予行自
謂將軍相與聯句有曰咲拂王波看
禹鼎予以爲問曰王波塵也出秘書
子忘之乎予即詠曰拜陳金鏡祝堯
年將軍嘖嘖稱予忠如是者凡數十
聯末云好費將軍九萬錢句出自予
亦不知其何語也其餘則忘矣已而
就駕雲飛風從倏忽至家見老母喜
甚覺來明月滿窓乃枕上爾時

聖天子出師以威武大將軍鎮國公
行寤歎之餘賦此仍用夢中韻

踈槐宮院罷朝天淮海干戈有歲年未厭西
風吹几杖每依南斗望樓船新豐車馬黃塵
裏故國園林白露前歸夢忽醒寒漏迥綺窓
斜挂玉嬋娟

臘月十日奉迎大駕紀事二首

奏凱歡呼大駕迴一時和氣滿燕臺端門日
麗龍旂入馳道風清鳳吹來九廟神靈真有

赤身集卷
三十四
托百年文運定重開都人此日瞻依切共說
君王有將才

鏡歌鼙鼓盡天聲亭旆金繒載道迎上將獨
乘千里駿義兒多領四家兵車懸虎豹知蒐
獮架壘鯨鯢報武成從此鼎彝書鎮國漢文
徒幸亞夫營

早朝

苑雲城樹隱蒼蒼仙漏銷沉寶炬光月下貔
貅金隊冷風前鷓鴣玉聲長螭頭漸近聞天
語豹尾徐開挹御香朝罷宮臣導清蹕空瞻
團扇護君王

雪後早朝

北風吹雪靜芳塵雪霽千門麗景新丹地祗
聞鳴玉步碧天疑有散花人寒光掩映龍樓
曉遲日熏成鳳沼春歸向柳邊凝立久試裁
巴曲和韶鈞

侍車駕幸大學恭賦一律

豹羃龍旂拂曙烟即隨清蹕下遙天袞衣日

希真集卷之五
三十一
月宮墻裏冠蓋風雲俎豆邊環壁波光搖寶
扇闕壇花氣繞金懸青衿際此歡無極共播
皇休入誦弦

郊祀齋居大興隆寺與懋賢舉之繩武

三太史同賦二首得旗字

大駕迎天早練時端門燈起禁鐘遲春回御
氣通黃道夜靜神飈閃翠旗龍騎肅分千陛
戟鶴群寒竝一禪枝泰壇却憶追趨地雲捧
珠宮月滿墀

璧月彤雲澹不移竹房花影正離離僧來祗
覺鐘磬響院靜不知更漏遲都荔有香浮劍
鳥穗楊無力拂旌旗夜寒銀燦巡金鑰吟望
圓丘有所思

內閣前迎春花開有述

春叢照眼見輕黃玉署裁詩覺興長唐苑錯
教催羯鼓漢宮徒自闕仙裝龍池日轉繞分
色鳳閣風來細認香何事偏承天澤早結根
元自五雲傍

春興八首

燕京二月芳草新
天南嗟有未歸人
清泉白石入幽夢
紫燕黃鸝鳴好春
三殿奔趨連日夕
九衢車馬雜風塵
棲遲鳳沼渾何事
吟望漁舟獨愴神

閶闔千門拂曙開
郎隨鷓鴣鷺集蓬萊
雲邊綵仗分仙掖
日下青旂遶帝臺
扈閣風迴初變柳
琳池冰洩半侵苔
上林春色應無限
空羨文園作賦才

太液池頭萬歲峰
波光迴合翠重重
神人驅石開三島
天子乘春駐六龍
紫殿虛無餘御氣
碧雲迢遞憶仙踪
玉鳧黃鵠無消息
長聽趨朝午夜鐘

燕臺自昔興王地
今日巫衣馭四夷
紫禁烟花連朔漠
黃河烽火望旌旗
西山積雪輝輝在
北極浮雲裊裊垂
坐跂馬春郊回首
晚五侯歌管未休吹

廣寒宮殿鎖岩堯
漢帝神靈隔絳霄
陰洞夜

凝龍虎氣陽林秋老鳳凰條金莖瑞露霑朱
綴銀浦流雲入綺寮翠輦不來環珮冷滿庭
脩竹自蕭蕭

踏青聞幸芙蓉苑紅日未高金吹鳴從此宸
遊多樂事向來幾務太留情風傳羯鼓南薰
殿雲擁鸞旂北斗城千載太平知有象詞人
先已頌河清

風雨瀟瀟聞曙雞春來長憶碧山栖烟開籬
落花光動日暖園林菜甲齊入饌江魚供白
髮潑醅芳酒對青谿刺桐枝上紅如錦自在
流鶯盡日啼

幕府魚書報越裳期門龍節發荆湘北風鴻
鴈飛何處南海漁樵思故鄉即恐軍儲非往
日却勞宵旰及殊方平林月出聞啼鴉擊劍
酣歌意轉長

謁康陵書感

夏雲消盡午風恬目極烟霄思未歇瑤水幾
年留馬跡鼎湖回首墮龍髯泉淙寂寂山當

壽身集卷下
三十一
戶松籟蕭蕭月轉簷却愧青衫虛十載對揚
無路拜宸嚴

康陵禪祭有述

康陵禪日宿神郊奏格無聲藉白茅七廟精
靈昭輦洛二儀風雨積函穀明樓燈火鴉鸞
集隧道松杉翡翠巢羽獵長楊今涕淚寸心
遙與白雲交

贈趙景昭歸廣州

庭闈每入京華夢消息真從里閨傳慰我客
懷千里外與君交誼十年前心馳珠海雲隨
棹路入金陵日在天好向明時圖遠大只今
青瑣重材賢

歲暮書懷次王繩武韻

蕭蕭松院朔風侵坐擁重裘力不任薊北暖
遙花去眼天南書斷鵲驚心曾雲此日連青
瑣芳草何年卧綠沉喜有王維同筆硯清詩
時爲滌煩襟

別吳成甫

春身集卷
三十九
金陵此去三千里玉殿回瞻咫尺天兩載風
烟同逆旅一簾霜月照離筵即看會計蘇江
左還有謀猷達帝前聞鴈裁書堪更問聽鶯
携手是何年

三江毛尚書致仕歸姑蘇留別次韻

笑別鷓行問鶴田歸來林壑故依然月明震
澤秋應早柳映閭門地亦偏黃閣未登曾扈
聖青山相對更懷賢東曹此日情何限目斷
冥鴻在遠天

送三江先生

吳門烟艇故知津寶帶慶衣照莫春蕉鹿夢
中曾玩世尊鱸鄉裏最宜人三朝禮樂歸青
簡八座聲華動紫宸心折此時瞻望地潞河
南下柳條新

壽陳虛白鍊師

颺臺羽客宴星壇四座罡風六月寒絳節曾
隨蒼水珮玄田應結紫金丹瑤池月冷飛青
鳥珠樹雲深駐綵鸞知爾蓬瀛多浪迹摩挲

銅狄待誰看

董學士父母受封

桂坊秋早竹書成紫誥馳封荷聖情天與北
門添盛事人依南斗頌長生碧鷄山下棠陰
合丹鳳樓前日色明笑領龍章齊舉案一麾
今覺到蓬瀛

送林子行歸吳川

萊衣將母羨君行把酒臨岐百感生楊柳影
稠朝雨淨芰荷香暖暮潮平病身與鶴栖蕭

寺歸夢如雲遶粵城曾是同舟忍分手岸花
檣燕總關情

九月十七日大封宗室奉命充南渭冊

禮使

臚陛傳宣仰聖君錫茅分器重殷勤日臨門
道開三殿風迓宮韶出五雲寶冊下時經
路金貂行處散爐薰卽從北極趨南渭悵別
天邊鴛鴦群

永州樓上春望

蕭蕭梧竹弄新晴天畔登樓眼倍明湘水碧
連雲夢渚粵山青近永陽城三春物色憐多
病萬里驅馳笑此生忽憶玉河垂柳徑紫宸
朝罷聽流鶯

別蕭潘二通判於淡巖作

五馬翩翩度遠岑日浮蒼翠滿離襟同寅合
共循良傳異國仍多故舊心客思漸隨芳草
遠春光偏入野棠深明朝鼓柁營陽道回望
零陵烟樹林

遊甘露寺同劉士奇作

空香浮動翠巉岩徙倚珠林駐玉驂七澤湍
聲流日夜六朝山色落東南朱旛向晚情難
別碧院逢秋酒易酣蕭洒不知歸路杳滿天
竿籟起松杉

歸自京師赴常齋鍾子夜讌二首

魏闕勞君千里夢粵巢分我一枝安即看春
事辭鶯燕且盡芳樽共肺肝沙塢雨餘花氣
近江城風定角聲寒相看此夕清狂甚從此

過逢興未闌

爐烟裊裊篆垂垂掃逕開尊恨到遲亭榭風
烟仍月夜江湖花鳥况春時金尊玉鱠堪留
客醉舞狂歌果為誰却憶去年羈旅地粵雲
南望只成悲

全節廟

極目胡塵暗帝畿樓船南去逐斜暉已無虎
帳鳴金析祗有龍潭壑寶衣精衛何時填海
滿蒼梧終日見雲飛貞魂若化吳宮燕應是

年年一度歸

大忠祠

誰扶黃屋此長征夷夏分明萬古情百粵波
濤非帝宅兩厓風雨是天聲氣吞蛇豕頻揮
劍力盡馳驅尚請纓再拜高祠回首地滿山
松桂月微明

乙酉守歲

帝城鼓角促朝暉紫禁烟花錦繡圍風靜笙
歌臨路發雪晴烏鵲背人飛會趁魏闕年華

春身集卷一
四三
換留滯周南心事遠
栢葉椒花吾祝汝
明年須對老萊衣

元日早朝

閣道沙堤雪未乾
馬前銀燭霧中看
踈鐘欲動飛宮鵲
絳節初齊引珮鸞
瑞日影浮雙闕表
鈞天聲在五雲端
侍臣賦就陽春曲
未覺瓊樓玉宇寒

暮春書懷效陳去非

曲肱作夢客不到
游絲滿空春正晴
世事悠悠祇蕉鹿
韶光冉冉但林鶯
蔣陵山遠碧雲合
郭隗臺高芳草平
踏歌吹劍一翹首
天北天南無限情

題雷氏山水卷

羨汝習靜栖空山
蒼翠無言相對閒
松花滿地雲不掃
柴門敞天風爲關
波浮龍鱗曉瀕洞
峰橫豸角秋孱顏
丹梯倘許凌絕頂
散髮醉呼黃鶴還

春夜大醉言志

拔劍起舞臨高臺北斗插地銀河迴長空贈
我以明月天下知心惟酒杯門前馬躍蕭鼓
動柵上雞啼天地開倦遊却憶少年事笑擁
如花歌落梅欲盡理還之喻

白蓮二首

水殿盈盈萬玉妃凌波長是步炎暉迢遙玉
井峰頭見縹緲瑤池月下歸洛浦霧繁珠作
珮楚臺風急翠成幃若教解語應愁絕聞道
金籠鎖雪衣

不見紅衣映綠苔夜長疑有鷺飛來蕊珠宮
冷香雲濕魚藻池深素錦開太乙馭風搖翠
檝飛瓊乘月出瑤臺露華似慰相如渴分得
金盞滿王杯

陵祀次韻劉侍御見寄

園陵報祀開秋序驄馬追趨出帝城四塞雲
山隨遠近二儀風雨自陰晴金支掩映蛟龍
色玉殿蒼涼燕雀聲悵望軒轅弓劍在青霄
霑洒不勝情

重陽次韻答孫貞父

相看京洛共緇塵拂拭荷衣發興新江上離
憂嗟易老雲間歸夢恐難真飛飛白鴈遙憐
汝采采黃花懶寄人抱病重陽正愁絕把君
詩句重逡巡

省親三疏獲允出郭別親友

喜聞綸綍卷詩書萬里乘槎信所如即辦綵
衣供色咲不妨黃髮老樵漁臨岐尚憶公家
事出郭多煩長者車南北相望意無限江空

歲晚獨愁予

阻水寓蕭氏樓上作

朔風蕭蕭吹雪霜登樓獨坐生悲涼青山知
我吏情澹明月照人歸夢長雲影有時連去
鴈水聲何日到垂楊側身天地頻回首誰道
江湖遠廟廊

文衡山致仕言懷次韻二首

十月軒車出紫宸三年京洛謝緇塵北河冰
雪偏留客南國江山久待人石室有書曾汗

簡扁舟無日不思尊此身直在雲羅外誰向
中原惜鳳麟

金鑾早上乞休書疏傳當時恐未如萬里青
宜雙倦翼百年黃髮幾懸車閭門日暖繁楊
柳震澤春深足鯉魚知爾登臨詩不廢停雲
回首渺思予

除夜贈文徵仲

即看芳草入新年豈有椒花媚遠天多病獨
愁雙鬢改故人相對一燈懸匆匆歲色歸鶯
燕冉冉春聲動管絃明日試從高閣望陽和
多在五雲邊

丁亥元日

朔雲自繞滌河曲燕樹遙連漢苑斜綵鷁獨
依河畔柳新鶯應到苑中花三朝禮樂開青
鎖萬國冠裳擁翠華去去滄江回首地太平
歌頌落烟霞

客樓春望徵仲見過有贈

樓外河水春未消旅魂吟望倦搖搖驪黃有

路開丹嶠孔翠何心戀赤霄燕市風塵通潞
渚吳門烟月滿楓橋何時坐爾停雲館幽竹
繁花慰寂寥

微雨後風沙大作晚泊臨清

笑辭鍾鼎向山林去路塵沙苦見侵萬里舟
航淹日月九河風雨戰晴陰草堂花竹縈春
夢澤國魚龍伴夜吟心跡不教雙寂寞燈前
呼酒漫開襟

次韻答廖鳴吾見懷

北風吹女思悠悠乘興難移雪夜舟建禮昔
同鴛鴦序裁詩今在鳳凰樓岸花檣燕催春
色洛水秦山入暮愁多病可堪回首遠吏情
吾已付滄洲

丁亥除夕

旅館頻年過歲除萊衣今夕樂何如搖搖蠟
炬輕風裏淺淺霞盃細雨餘江海只便魚入
饌烟霞惟恐鶴傳書等閑文被梅花惱漏泄
春充滿敝廬

元旦

南國浮雲向曉開日華初上釣魚臺東風又
與藤蘿綠老屋惟應燕子來萬里晨昏逢歲
改三年供奉憶朝回滄溟不似君恩闊起舞
尊前莫放杯

英德別杜生兄弟

扁舟六月度滇水英德縣前鱸已肥別爾第
兄難廢酒驅人岐路易沾衣滄江急雨群龍
出古峽閑雲獨鶴飛返棹相看情不斷倚門

真覺夢同歸

感秋二首用南津胡憲長趣駕韻

浙浙秋風吹岸沙西江遷客思無涯濁醪粗
飯足娛老去燕來鴻猶念家百年洛涑媿潘
岳九日龍山懷孟嘉故園咫尺不歸去辜負
東籬無數花

浙浙秋風吹雨來自怜樗散未須培水邊白
鳥背人去霞外青山待我回抱病江湖長對
酒側身天地數登臺故園只在扁舟上三徑

黃花萬樹梅

南谿卷爲佢都帥

南谿分得揚之水
岩姿林靄相光輝
主人燕坐列霜戟
童子清歌調雪衣
絃琴每覺薰風入
載酒直隨明月歸
我亦滄洲曾結字
吏情長愁與心違

秋夜對菊

日隨麋鹿走山林
豈有簪纓繫此心
永夜鼓鐘欺鬢短
小樓風露報秋深
鸞聲自作孫登嘯
龍卧誰爲梁甫吟
瀟洒不知貧與病
東籬元有萬黃金

蒼梧初發

蒼梧北望盡蠻荒
雲黑山青烟霧黃
旌旆行隨日隱見
蒙衝坐覺天低昂
鼉鼉乘雨出岩穴
翡翠挾春鳴枕柳
旅懷歷亂不可盡
芳草萋萋彌岸長

桂林元夕

何處笙歌入座聞
即看陸海在人群
星橋暗

度重輪月火樹晴開五色雲湘水未逢天北
使離江猶駐粵南軍江湖心事年年在徙倚
東風酒易醺

橫州伏波廟

高灘危石鎖崔嵬長夏風烟午未開南海樓
船從此去中原冠冕至今來武陵一曲風塵
靜銅柱雙標日月迴千載伏波祠宇在漢朝
何事有雲臺

旅感

塵事熏心千種在晨昏回首一星周枕前明
月照歸夢簾外西山窺客愁短策干時何所
得薄田供歲未須求他年北極懷明主當日
東陵有故侯

初秋

玉河楊柳已蕭蕭羈思逢秋轉寂寥親舍每
疑雲外近長安翻覺日邊遙浮名肯似葦鱸
美壯志寧隨髀肉消自笑行藏渾未卜巫陽
堪問竟誰招

秋夜大興隆寺玩月

玉壺酒對秋色滿金地坐看明月高北戍不
隨胡馬暗南巡應照聖躬勞山河有影看蓬
鬢風露無聲生緼袍忽憶越江垂釣叟流光
千頃一浮舸

得七月家書志喜

紅葉聲中醒客夢白雲飛處憶親廬情多豈
保鬢不變計拙乃爲飢所驅燕領果誰還有
相羊腸何路是無虞臨風正覓傷秋句忽續

平安兩字書

送祁惟允

執手別君何鬱紆帝城秋色野踟躕離情不
學曉雲淡知己漸隨煙柳踈去國未須言勇
退還家聊且賦閑居想應明主不相棄誰合
南山老弊廬

贈西蜀胡秀才

遙遙蜀道亘天端來去惟君不作難來爲慈
顏欣奉檄去綠皤髮倦彈冠柳搖燕市聽鶯

別雲擁峨眉駐馬看索句贈君還自笑一年
為客向長安

贈陶二尹之任元城

風流此日陶彭澤喜唱吳歛向別筵制錦正
當佳麗地彈冠初遇中興年一庭詩景孤松
裏疋馬春風五柳邊傾蓋相逢又分手金臺
涼月夜娟娟

寄梁應房

去年蕭寺憶殷勤長劍高歌入夜聞異國風
煙能慰我同年交誼不如君落霞秋倚新豐
樹疋馬晴瞻震澤雲南北祇今成悵別夜來
樽酒夢論文

送余崇一使蜀

鳳凰啣詔出蓬萊劍氣崢嶸拂曙開萬里風
烟馳蜀道五雲宮闕夢燕臺浣花溪在搜唐
蹟洗墨池荒憶漢才聞道故園滄海上星槎
爭羨自天回

荆庭春恨和潘源魯

東風庭院雨絲絲，
姜被寒生夢後悲。
淺綠正添鴻鴈沼，
輕紅初上鵲鴝枝。
流年未覺青塵盡，
往事空詒肺腑知。
斷送一畚吟鬢白，
可憐荆樹似秋時。

贈別梁明仲

都門楊柳映愁生，
又客懷歸此送行。
鄉夢昔曾隨去馬，
春光今已別流鶯。
舟移北渚龍光窄，
路入南天劍氣明。
他雨一尊尋舊約，
白雲溪上濯塵纓。

席中贈倫彥蕃

看君意氣薄青霄，
京邸相逢即久要。
鳳沼每傳賢父子，
鴈行多在聖明朝。
虹橫楚水朝看劍，
月滿吳門夜聽潮。
何事春明攜手地，
滿堤垂柳正蕭蕭。

別倫彥周侍御

青藜燈火同高閣，
皂蓋聲華獨內臺。
日月祇隨燕樹轉，
雲山長羨粵鴻迴。
勞勞世路關蓬鬢，
黯黯離懷付酒杯。
姜被萊衣榮子去，
風江

烟艇待誰來

宜陽八景次東溪鄧尚書韻八首

曉入宜陽見萬峰
鷄聲人語共踈鐘
停車最愛黃山好
滴袖俄驚翠黛濃
陸海魚龍憑砥柱
青天波浪出芙蓉
凌風欲挾飛仙去
直上

蓬萊第一重

右黃岑
疊翠

扣舷何處有漁歌
泉擁西山景最多
雲外恍疑垂玉竦
人間真覺近銀河
靜涵桂魄天同色
流入桃花錦作波
若到春郊頻極目
東風

吹澗

看虹
垂虹

玉溪流水碧沉沉
巧筭還誰測淺深
細雨斜風渾二月
鯨吞鼉作忽千尋
敲詩日憶澄江練
倚杖時聞綠樹禽
何事臨流歌仰止
三星

橋外有遙岑

右玉溪
春漲

碧樹蒼烟鎖紺園
四民曾此禮三尊
岩堯地上開金刹
髮髯雲中立翠旛
山色可能隨世改
燒痕長是到秋繁
憑高莫漫搜陳迹
時倚

衡雲望薊門

右寶刹
雲旛

景星靈洞足探竒石上浮觴漫爾為碧落玉
書空徃夢葛巾藜杖可芳時香分下澤煙花
透暖入東陂鴈鷺知羽客不歸瑤草暮桃源

何處問蛾眉

右蒙洞
泉香

獨倚蒼岩玩碧瀾共知龍向此中蟠九天空
闊疑雷動萬木蕭疎帶雨寒馬鬣不教桑楚
歛鳥耘那見稻畦乾行藏咲與髯翁道潛躍
由來不是難

右良岩
龍隱

列岫排雲切太蒼曲江銀榜宛如長當衙已

獻千重秀帶日還成五色光秋淨烟霞開錦
繡春深風雨散紅香地靈人傑從來是滿耳

蜚聲說廟廊

右榜山
晴旭

涉水循山問化宮翠微深處有村春僧來且
共松間坐溪午遙聞烟外鐘貝葉曇花空寂
寂瓊簾珠拱自重重舊遊回首思長樂無限
詩情到晚濃

右普化
晚鐘

華節亭別親友

宿雨冥冥曉正開故人遙放酒船來啼鴛語

燕催春事綠水紅亭照客杯別夢綢繆猶粵
海片颿迢遞又荆臺臨岐欲盡分携意滿目
停雲鬱鬱未裁

浣口寄倫子彥式

魁岡南望隔湘烟聞道征帆別後懸楚粵山
川空寄夢江湖風雨正連天明光起艸逢今
日京洛看花憶去年岐路祇今隨使節可堪
心折五雲邊

贛州紫霄岩贈林二山

憑空飛觀倚茗堯風磴盤盤入紫霄章音漢
聲天外落燕雲山色日邊遙百年氣誼堪杯
酒萬里離憂自市朝咲與使君圖後會扁舟
何日重相招

夏日遊何氏園

漠漠朱光接翠寒蕭蕭林樾隱風湍浣花暫
爾棲踈放古栢終當宿鳳鸞遂有卧龍清洛
水還從飛鴈望長安種榆裊裊成何事心折
雲邊金露盤

放船

城烏翻月鼓統統虎丘寺前初放船青山白
水晚如畫楓葉蘆花秋可憐皇華萬里但原
隰供奉三年猶俸錢鴟夷邈矣不可見隔浦
緩歌聞採蓮

海珠別方塘汪憲副

海珠山下寒潮生擊鼓放船君欲行醜酒千
巡谷鳥嘯粵城十月江花明碧雞金馬在何
處遊子孤臣俱有情此去答臨不同賞倚樓

詩句向誰成

送范衢村大叅

桂州城南灘水流白蘋芳芷滿中洲即看綵
鷁隨春色聊遣清尊消別愁畫省交游成舊
雨彤雲瞻望及新秋相逢若問鴟夷子已向
江湖買釣舟

大藤峽猺老

大藤勲業使人疑今日褰帷始見之每憶韓
公成感嘆且令猺老望威儀江山道梗空千

里兵甲屯雲又一時聞道招安成妙筭從前
真覺費王師

洮陽野次

畫船簫鼓擁青衿豈有當年木鐸音故國烟
花那在眼長途風雨若爲心三湘秀色來天
地五嶺華風自古今耿耿有懷成野宿夢魂
虛繞泰山岑

元日

曉來簪弁換荷衣遙望祥雲夾日飛北塞風

塵應已靜南溟樓艦竟安歸乾坤脉脉移花
柳林壑欣欣動蕨薇誰在青真生白髮且持
春酒對春暉

粵山詩社試筆分得清字

碧山雲卧倚江清衣馬何人獻歲行麗日樓
臺明萬井輕風簫鼓度三城東南漂泊嗟懸
磬西北驅馳費請纓且向烟蘿開野酌漁樵
相與話升平

人日和陳天游韻

駘蕩春光滿隱窩放狂判到鬢雙
柳條色映青絲騎栢葉杯翻白紵
歌鴛燕不嫌三徑僻風烟偏在五
陵多年來無地尋花勝世道應隨
東逝波

東風吹徧海天涯隱几蕭條忽見
花人日鈞詩誰對酒草堂攜鶴自
移家衝星劍佩真吾事滿地江湖
又歲華何事步兵從晉室春來猶
詠故侯瓜

天開圖書亭

突兀茅齋跨石臺玉杯瑤席倚雲
開天邊湘色褰帷入地底離江逐
馬來北極自勤瞻闕夢西山誰有
濟時才側身天地酣歌裏鴻鴈冥
冥首重回

肇慶李東渠中丞邀遊洒然亭次韻

二首

嶺海栖遲有歲年草亭今喜識高
賢鈞殘野水從魚樂鋤罷寒葵帶
露鮮世事驅馳真夢裏天涯談笑
且尊前朔雲他雨勞相問猶記

萍踪自洒然

崧臺今夕是何年
投轄傾杯見此賢
半取方塘開罨畫
一亭明月共澄鮮
習池已覺心俱醉
宣室還看席屢前
勛業古來戎馬地
可能無意勒燕然

蒼梧言歸口號

十載行囊一素琴
寥寥天地幾知音
淵明已有歸來賦
和靖初無祿養心
北郭晚田堪自
酒東籬
秋菊盡黃金扁舟一
去隨明月回望

蒼梧空綠陰

桂江秋懷借養齋方伯韻奉寄

桂江水高三尺強
秋來鴻雁相迴翔
鳴橈揆柁亦何意
楓葉蘆花俱可傷
蒼梧望斷粵雲
白滄浪歌罷湘煙長
會須萬里去寥廓
嗟爾尉羅空自張

奉詒養齋再用前韻有引

昨承高作但訝方
茂山人新號似有
歸興嶺南方有依
賴柰何褰裳去之

紫薇東閣燕坐凝神尚以賦詩易抗
疏則幸甚幸甚小詩奉詔兼致問候

用前韻也

江湖同病羨君強霄漢何由竝爾翔方茂雲
深歸夢香粵臺花近客心傷青春已共蛙聲
老白日潛隨燕羽長東閣捲簾詩景裏揮毫
應續艾如張

